


# Bibel fa Kjinja brinj't junt

## Paulus opp Reisen



Jeschräwen von: Edward Hughes

Jemolt von: Janie Forest

Äwasat von: Ed Zacharias

Toom Paus jestalt von: Ruth Klassen

De 59. Jeschicht von 60

[www.M1914.org](http://www.M1914.org)


*Bible for Children, PO Box 3, Winnipeg, MB R3C 2G1 Canada*

Jesazlich: Du doascht dise Jeschicht oppnämen ooda drekjen, soo lang aus du dee nich vekjafst.

Plautdietsch

Low German

Paulus un Silas, Jesus  
siene Deena, wieren  
em Jefenkjnis. Nä,  
see hauden nuscht  
orrajcht jedonen; see  
hauden eene Fru von  
äaren Woasaja-jeist  
looss jemoakt.



1

De Lied en Filipe  
deenden Jetzen, un  
Paulus un Silas hauden  
an de Krauft von dän  
waarhaaftjen Gott  
un sien Sän Jesus  
jewäsen.





2

Doafää wieren  
see faust-jenomen,  
wewipt un enjestopt  
worden.





3

Eena haud  
veleicht jejléeft  
daut Paulus un  
Silas wudden doll  
un betta sennen.  
Oba see wieren  
nich.




4

Nä, bie  
Meddanacht  
sauten see opp,  
un sungen Leeda  
toom Gott danken.  
Aule Jefangne  
un de Oppsechta  
hieeden daut.



5

Oba plazlich hieed daut sinjen opp. Gott leet daut  
Jefenkjnis von een Ieed-bäben veschedren. Nu  
stunden aule Däären op. De Jefangne ääre Kjäden  
wieren looss-jescheddat.



6

Oh, oh! De Oppsechta  
wia sikj secha daut de  
Jefangne aula wudden  
wajch-gerant sennen, un  
daut hee sea strenj  
bestroft waren  
wudd. Hee wull  
sikj aul met sien  
ieejnet Schwieet  
doot moaken.




7

Oba Paulus roopt, "Doo  
die nuscht. Wie sent  
aula hia." Dan kjeem  
de Oppsechta un säd,  
"Leewe Haren, waut  
mott ekj doonen, daut  
ekj seelich woa?" Dan  
säden see, "Jleew  
aun dän Harn Jesus  
Christus, dan woascht  
du un diene Famielje  
seelich." Hee  
naum daut met  
Freid aun.



8



Paulus un Silas worden dän näakjsten Dach frijeloten, un see reiden no väl aundre Städa un vetalden dee Lied von Jesus. Eenje jleewden aun Jesus; aundre wullen an moaken opphieren. Oba Gott help an. Eenmol räd Paulus fa een poa Stund. Een junga Maun saut bie een opnet Fensta un schleep en. Un waut passieed?


9




See hoowen am doot opp. Oba Paulus jinkj un foot am om un säd, "Siene Seel es noch en am." See brochten dän jungen Maun läwendich nohus, un aule freiden sikj.

10

Paulus un Silas hauden väl Erfoarungen opp äare Reisen en Europa. Eene besondere Erfoarunk passieed aus hee en een Schepp wia. Daut wieren nich groote Schöp fa dusent Menschen, oba Säajel-boots, dee em Wint väl Trubbel hauden.




11



Paulus wia faust-jenomen worden, un wia opp daut Schepp toom ver däm Kjeisa ver Jerecht komen. De Kjeisa wia en Room, de Haupt-staut.

12



Daut Schepp kjeem schljacht verwoats wäjjen däm Wint, un doa wia Utsecht fa een Storm. Daut wia nich eene scheene Reis fa Paulus ooda de Scheppmana.

13

Paulus woarnd an, "Mana, ekj see daut et opp dise Foat väl Lieden jäwen woa." De Schepphar horcht nich no am un reisd wieda.




14

Aus de Storm schlemm  
wort bungen see Strenj  
rom daut Schepp, daut et  
nich zwei-brääkjen sull.  
Wan daut Schepp  
unja-jinkj wudden  
see aula  
vedrinkjen.




15

Daut Schepp haud soo väl Trubbel daut de  
Schepphar aulem aunstald toom daut Schepp  
lichta moaken. Aum dresden Dach  
schmeeten see daut  
Jereetschoft  
daut  
to daut  
Schepp  
jehieed rut.



16

Dan oba enne Nacht stunt bie  
Paulus een Enjel un säd am daut  
aules wudd goot utkomen.



17

See kjreejen aula een bät mea Moot aus Paulus  
säd, "Vezoacht nich. Ekj jleew Gott woat daut soo  
fieren aus hee säd. Oba  
wie woaren aun eene  
Insel launden."



18

Een poa Doag lota kjeem daut Schepp no de Insel  
Malta, un doa troff daut een Saunt-rigjen un bruak  
twei. De Schepphar säd dee waut  
schwamen kunnen sullen daut  
ieeschte seenen no  
Launt to komen.




19

De äwaje hilden sikj  
aun Bräda ooda Stekja  
vom Schepp un kjeemen  
aula nom Launt.



20

Opp de Insel Malta weess Gott siene Kraaft. Biem Fia-moaken, beet Paulus eene jeftje Schlang. De Lied jleewden hee wudd stoawen, oba am wort nuscht.




Dan dochten see Paulus wia een Gott. Doa kjeemen uk väle Kranke un Gott heeld an nodäm daut Paulus fa an bäd.




Met de Tiet kjeem Paulus no Room. Daut neem twee Joa bat hee ver Jerecht kjeem. En dee Tiet haud Paulus een Hus un väle Jast. Hee räd to aule von Gott sien Rikj un däm Harn Jesus Christus. Paulus

deend Gott en Room, krakjt soo aus opp siene andre Reisen.



"Ekj hab dän gooden Kaumf jekjamft, ekj hab bat aum Enj utjehoolen, ekj hab Gloowen jehoolen," schreef Paulus von Room. De Bibel sajcht nich woo Paulus storf, oba andre Norechten sajen daut de Kjeisa Nero leet am doot moaken. Gauns bat daut Enj von sien Läwen vetald Paulus emma wada andre von Jesus Christus.



Paulus opp Reisen

Eene Jeschicht von en daut Wuat Gottes, de Bibel

finjt eena en

Aposteljeschicht 16, 27, 28

"Wan dien Wuat openboat woat, jeft daut Licht." Psalm 119:130

**Gott weet** daut wie schlijchtet jedonen haben, waut hee Sind nant. De Strof fa Sind es de Doot.

**Gott es ons soo goot** daut hee sien Sän Jesus schekjt, daut hee fa ons aum Kjriez storf un onse Schult betold.

**Jesus stunt vom Doot opp** un es trigj nom Himmel jefoaren! Nu kaun Gott ons onse Sind vejäwen.

**Wan du von diene Sinden west wajchdreien**, dan saj dit to Gott: Leewa Gott, ekj jleew Jesus es fa mie jestorwen un daut hee nu wada läft. Komm en mien Läwen un vejeff miene Sinden, soo daut ekj nu kaun nieet Läwen haben, un noch emol opp emma no die komen. Halp mie fa die to läwen aus dien Kjint. Amen. Johanes 3:16

**Lass de Bibel un räd jieda Dach met Gott!**